



# ST. MARY'S MAZINDE JUU SECONDARY SCHOOL

P. O. BOX 90, LUSHOTO-TANGA-TANZANIA

Tel: +255 767 015 723 Email:makiamba2@gmail.com Web:stmarysmazindejuu.com

"With the whole heart"

## VIGEZO NA MASHARTI YA KUJIUNGA NA SHULE

Wazazi wenye nia ya kutaka kuwaleta watoto wao kusoma katika shule ya St. Mary's Mazinde Juu, hawana budi kuyasoma, kuyaelewa na kuzingatia na mwisho kusaini vigezo na masharti haya endapo tu wana nia ya dhiti ya kuwasomesha watoto wao katika shule hii. Ni moja wapo ya taratibu ambazo wazazi wote watapaswa kuzingatia kwa kipindi chote ambacho watoto wao watakuwa wakisoma hapa.

- A. **LENGO LA SHULE:** St. Mary's Mazinde Juu ni shule ya wasichana inayomilikiwa na Jimbo Katoliki la Tanga. Shule hii ilianzishwa kwa lengo la kutoa elimu kwa wasichana wa Kitanzania waishio maeneo ya magamba na nchi nzima kwa ujumla. Hivyo, wanaoruhusiwa kujiunga na shule hii ni wasichana wa kitanzania wenye dhamira ya kupata malezi yenye lengo la kuwawezesha kukua kimwili, kiakili na kiroho kwa lengo la kuitumikia jamii yao na nchi nzima kwa ujumla. Ikumbukwe pia kwamba licha ya shule kuwa ya kanisa katoliki, wanafunzi hupata nafasi bila kujali dini au dhehebu la mwanafunzi au familia anakotoka. Shule hutoa nafasi kwa kuangalia kigezo cha ufaulu tu katika mtihani wa kujiunga na shule.
- B. **KUJIUNGA NA SHULE: Wazazi / wanafunzi wenye lengo la kujiunga na Shule ya St. Mary's Mazinde Juu hawana budi kuzingatia mambo yafuatayo:**
- i) Kuwa elimu ni haki ya kila mtoto wa kitanzania na kuwa mtoto msichana aliye nyumbani ana haki sawa ya kupata elimu katika shule hii kama zilivyo shule nyingine.
  - ii) Kuwa ili mtoto aweze kupata nafasi ya kusoma katika shule hii, ni lazima mtoto husika awe amemaliza darasa la saba ( kwa kidato cha kwanza ) au kidato cha nne ( kwa kidato cha tano) ndipo anakua na sifa ya awali ya kujiunga na shule hii.
  - iii) Kuwa mtoto anayeomba kujiunga na shule hii, ni lazima awe na ufaulu wa daraja la "B" kwa matokeo ya darasa la saba AU daraja la I-III kwa kidato cha nne na kupata alama A - C katika masomo yake ya tahasusi.
  - iv) Kila mtoto anayetaka kujiunga na shule hii, atalazimika kuchukua fomu maalumu ya kuonesha nia ya kujiunga na shule. Fomu hiyo hutolewa na shule na huwekwa katika vituo mbalimbali vya mawakala wetu. Kila mzazi au mtoto

atalazimika kuijaza kwa utaratibu uliowekwa na kufuata mwongozo ulio katika fomu hiyo. Ikumbukwe kuwa kushindwa kuchukua fomu hii, kunapunguza sifa ya mwanafunzi kujiunga na shule.

- v) Kabla ya kupata nafasi ya kujiunga na shule, kila mtoto atakua na nafasi moja ya kufanya mtihani wa kujiunga na shule. Mtihani huu utatumika kama kipimo kujua ufahamu wa mtoto kwa darasa analotaka kujiunga. Hii inamaana kuwa kwa anayejiunga na kidato cha kwanza, itampasa kufanya mtihani sawa na ule wa darasa la saba kwa masomo matatu ya HISABATI, KIINGEREZA NA MAARIFA. Kwa anayejiunga kidato cha tano, itampasa kufanya mtihani unaohusisha masomo ya TAHASUSI (COMBINATION) anayotaka kusoma. Kwa mfano, kama anataka kusoma PCB, basi atafanya mtihani wa kujiunga na shule kwa masomo matatu ya Fizikia, kemia na Bayolojia.
- vi) Mtihani wa kujiunga utafanyika kwa siku, muda na ratiba moja kwa wanafunzi wote ambao watakuwa wamejaza kikamilifu fomu ya kujiunga na shule. Hivyo, kwa wazazi wote wenye nia ya kutaka watoto wao wasome katika shule hii, watalazimika kufuatilia utaratibu huu mapema ili waweze kuendana na ratiba ya mwaka iliyowekwa.
- vii) Kuwa kwa watoto watakao faulu mtihani wa kujiunga na shule watapigiwa simu ya kuwafahamisha juu ya kufaulu kwao na kuwapa taratibu za awali za kujiunga na shule. Wale tu watakaohitishwa kuja ndio watakaopewa nafasi. Hii hufanyika hivyo ili kuwa na uhakika wa moja kwa moja kwa kuongea na wazazi ili wao wenyewe wathibitishe nia hiyo. Kwa wale ambao wataonesha mashaka au kukiri kupata nafasi katika shule nyingine, basi nafasi zao hutolewa kwa watoto wengine.
- viii) Kutakua na malipo ya awali kwa wanafunzi wote ambao watachaguliwa kujiunga hapa. Fedha hii ni ya lazima na hutakiwa kulipwa ndani ya kipindi cha wiki mbili baada ya kupigiwa simu ya kutaarifiwa kupata nafasi ya mtoto husika. Ikumbukwe pia kuwa fedha hii sio sehemu ya ada, na hutumika katika kumwandikisha mtoto na kumfanyia maandalizi ya awali. Baada ya kipindi hicho kupita, kwa wale wote ambao watakuwa wamefanya malipo hayo ndio watakaowekewa nafasi, na wengine wote ambao watakuwa wameshindwa kwa namna moja au nyingine kufanya malipo hayo, basi watakua wamejipotezea nafasi zao wao wenyewe.
- ix) Watakaokuwa wamelipa fedha ya malipo ya awali tu ndio watakaopata barua ya maelezo ya kujiunga (joining instructions). Barua hizi hutolewa na shule kwa wazazi kupitia vituo mbalimbali vya umoja wa wazazi kama MJUPA, TANGA, ARUSHA NA LUSHOTO (AU MAWAKALA WETU)

### **C. ADA NA MICHANGO MINGINE.**

Shule ya St. Mary's Mazinde Juu ni shule ya binafsi. Kwa maana hiyo shughuli zote za shule hutegemea ada na michango toka kwa wazazi ili kuweza kujiendesha. Ulipaji wa ada na michango mingine kwa wakati hurahisisha sana shughuli zote za shule zikiwemo za maendeleo na kitaaluma. Kwa maana hiyo wazazi wote wenye watoto shuleni au ambao watapenda watoto wao wajiunge na shule ya St. Mary's Mazinde Juu, wanapaswa kuelewa kuwa ADA NA MICHANGO yote ya shule hupendekezwa na shule na kuidhinishwa na bodi ya shule. Kwa maana hiyo, kila mzazi au mlezi anapaswa kuelewa kuwa atatakiwa kulipa ada na michango mingine kwa kufuata utaratibu wa wakati husika ambao pia hutolewa na shule kupitia barua rasmi toka kwa Mkuu wa Shule. Ama pia wazazi wakumbuke kuwa ada na michango hiyo hulipwa KWA AWAMU MBILI TU KWA MWAKA, YAANI MARA MOJA KWA KILA MUHULA. Kwa maana hiyo, kila mzazi anapaswa kufahamu kuwa:

- i) Ada na michango mingine sio jambo la hiari. Ni jukumu la lazima kwa mzazi yeyote anayetaka mwanae asome katika shule hii.
- ii) Kutakuwa na ulipaji wa ada na michango mingine kama sharti la lazima kwa mwanafunzi yoyote anayekuja Mazinde Juu. Ada na michango hii hulipwa kabla ya mwanafunzi kuja shuleni na kuwa siku ya kufungua shule, mwanafunzi atapaswa kuwasilisha slip ya benki kwa malipo aliyofanya kisha naye atapewa stakabadhi ya shule ikionesha malipo aliyofanya.
- iii) Kwa wazazi au walezi ambao watashindwa kufanya malipo ya ada na michango mingine kwa wakati, watatakiwa kubaki na watoto wao nyumbani hadi pale watakapofanya malipo hayo, ndipo wataruhusiwa kuwaleta watoto wao shuleni.
- iv) Shule haitakuwa na uwezo wa kumvumilia na au kumgharimia mwanafunzi ambaye mzazi wake atashindwa kumlipia ada. Kwa maana hiyo kama mzazi atashindwa kutimiza sharti la ulipaji wa ada na michango mingine kwa wakati, itakuwa jukumu lake kumtafutia shule nyingine.

### **D. TARATIBU ZA MAISHA YA SHULE:**

St. Mary's Mazinde juu ni shule au Taasisi binafsi inayomikiliwa na Jimbo katoliki Tanga. Kwa maana hiyo, taratibu za maisha katika shule hii zinafungamana na taratibu za wizara pamoja na taratibu za Kanisa katoliki. Hivyo, kila mzazi anayemleta mwanae kupata elimu katika shule hii, atalazimika kufuata mtindo wa maisha wa hapa shuleni bila kuathiri dini au imani ya mtoto. Hivyo basi, wazazi na watoto kwa pamoja watalazimika kukubaliana na taratibu na mtindo wa maisha katika shule hii ikiwa ni pamoja na kuzingatia mambo yafuatayo:

- i) Sehemu kubwa ya tabia ya mtoto hujengwa nyumbani. Malezi ya mtoto yanapaswa kuendana sana na tabia anazojengewa na wazazi au walezi wake tokea akiwa nyumbani. Kwa maana hiyo, tunategemea ushirikiano mwema katika kumlea mwanao pindi akiwa shuleni kwa ushirikiano mzuri toka kwa mzazi au mlezi. Mlezi mwema hutoa mtoto mwema kitabia.
- ii) Muda wote mtoto akiwa shuleni, atalazimika kuonesha nidhamu na adabu ya hali ya juu, na endapo ataenda kinyume na miongozo anayopewa, basi hatua kali itachukuliwa dhidi yake kulingana na kosa alilofanya.
- iii) Kuwa mzazi kwa kumleta mwanao shuleni, anakubaliana na masharti kuwa atakua tayari wakati wote kushirikiana na shule katika masuala yote yahasuyo mtoto ikiwa ni pamoja na NIDHAMU NA TAALUMA na kutoa ushirikiano unaostahili.
- iv) Kuwa mzazi anakubali kumkabidhi mwanao shuleni. Hapa ataishi kwa kufuata taratibu zote zilizopo shuleni na kuwa atamhimiza mwanao kuishi kwa kufuata kikamilifu sheria za shule.
- v) Pindi itakapolazimu kumchukulia mtoto hatua ya kumwondoa shuleni kwa sababu yoyote ile, mzazi atakubali kushirikiana na shule bila kumwathiri mtoto kisaikolojia.

**UTHIBITISHO WA MZAZI / MLEZI.**

Mimi.....Mzazi wa.....  
 ambaye anaomba kujiunga kidato cha ..... Katika Shule ya St. Mary's  
 mazinde juu , nakiri kuvisoma na kuvielewa na sahihi yangu hapa chini inathibitisha  
 kukubaliana kwangu na vigezo na masharti hayo yaliyowekwa na shule kwa lengo la  
 kuimarisha malezi, usimamizi pamoja na uwajibikaji katika kusimamia elimu ya  
 mwanangu.

**SAHIHI ..... TAREHE .....**

SR. 

**SR. EVETHA J KILAMBA**

**MKUU WA SHULE**

